



ҮНДЭСНИЙ АУДИТЫН ГАЗАР
НИЙСЛЭЛ ДЭХ
ТӨРИЙН АУДИТЫН ГАЗАР

14200 Улаанбаатар хот, Сүхбаатар дүүрэг, 8 дугаар хороо,
Г.Амарын гудамж, Соёлын төв өргөө, Г корпус, 5 давхар,
Утас: 7000 7734, Факс: (976-11) 32 01 54,
И мэйл: ub@audit.gov.mn, Вебсайт: www.audit.mn

2023.04.18 № 889
танай _____-ны № _____-т

Мөрийн хөтөлбөрт хийсэн аудитын
дүгнэлт хүргүүлэх тухай

Сонгуулийн мөрийн хөтөлбөрийн дүгнэлт

Төрийн аудитын тухай хуулийн 6 дугаар зүйлийн 6.3, Аймаг, нийслэл, сум, дүүргийн иргэдийн Төлөөлөгчдийн хурлын сонгуулийн тухай хуулийн 37 дугаар зүйлийн 37.5-д заасан Төрийн аудитын байгууллагын бүрэн эрхийн хүрээнд Орон нутгийн Хурлын ээлжит бус нөхөн сонгуульд оролцох Монгол ардын намын сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

Сүхбаатар дүүргийн иргэдийн Төлөөлөгчдийн хурлын ээлжит бус нөхөн сонгуульд оролцох нам нь сонгуулийн мөрийн хөтөлбөртөө Аймаг, нийслэл, сум, дүүргийн иргэдийн Төлөөлөгчдийн хурлын сонгуулийн тухай хууль, Төсвийн тогтвортой байдлын тухай хууль болон “Алсын хараа-2050”-д нийцүүлэн боловсруулсан Нийслэлийг хөгжүүлэх хэтийн зорилт, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцооны хамт ирүүлж, хуульд заасны дагуу дүгнэлт гаргуулах үүрэг хүлээнэ.

Сонгуулийн мөрийн хөтөлбөрийн дүгнэлтийн үндэслэл

Төрийн аудитын байгууллага нь дүүргийн иргэдийн Төлөөлөгчдийн Хурлын нөхөн сонгуульд оролцох намын сонгуулийн мөрийн хөтөлбөрийг хянан үзэхдээ Төрийн аудит MNS 6817-1:2020 Тулгуур зарчим, Төрийн аудит MNS 6817-6:2020 Нийцлийн аудитын зарчим, Төрийн аудит MNS 6817-8:2020 Нийцлийн аудитын стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, нийслэлийн 2022-2023 оны төсвийн төсөөлөл, “Алсын хараа 2050”, Нийслэлийг хөгжүүлэх хэтийн зорилт, Нийслэлийг 2021-2025 онд хөгжүүлэх таван жилийн үндсэн чиглэл холбогдох бусад байгууллагаас авсан мэдээллийг шалгуур болгосон.

Дүгнэлт

Монгол ардын намын Сүхбаатар дүүргийн иргэдийн Төлөөлөгчдийн Хурлын ээлжит бус нөхөн сонгуульд оролцохоор ирүүлсэн сонгуулийн мөрийн хөтөлбөр,

түүнд орсон зорилт, арга хэмжээ нь Аймаг, нийслэл, сум дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, "Алсын хараа-2050", Нийслэлийг хөгжүүлэх хэтийн зорилт, Нийслэлийг 2021-2025 онд хөгжүүлэх таван жилийн үндсэн чиглэл, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

Сүхбаатар дүүргийн Монгол Ардын намын мөрийн хөтөлбөр /..... хуудас/-ийг хавсаргав.

Хувийг Нийслэл, Сүхбаатар дүүргийн сонгуулийн хороонд

Хавсралт: *4* хуудастай

ДАРГА, ТЭРГҮҮЛЭХ
АУДИТОР



М.ЭРДЭНЭЖАРГАЛ

Сүхбаатар дүүргийн Монгол Ардын Намын
хорооны 2020 оны 6 дугаар сарын 21-ний
01 тоот тогтоолын хавсралт

**СҮХБААТАР ДҮҮРГИЙН МОНГОЛ АРДЫН НАМЫН ХОРООНООС
ДҮҮРГИЙН ИРГЭДИЙН ТӨЛӨӨЛӨГЧИЙН ХУРЛЫН СОНГУУЛЬД
ОРОЛЦОХ МӨРИЙН ХӨТӨЛБӨР**

Монгол Ардын Намаас 2020 оны УИХ болон НИТХ-ын сонгуульд оролцох мөрийн хөтөлбөрийн зорилтуудыг үндэслэл болгож

“СҮХБААТАРЧУУД АА ХҮЧЭЭ НЭГТГЭЭ” уриаг дэвшүүлж, дүүргийнхээ иргэдийн амьжиргааг сайжруулахын төлөө дараах ажлуудыг хийж гүйцэтгэхээр Сүхбаатар Дүүргийн Монгол Ардын Намын байгууллагаас сонгуулийн мөрийн хөтөлбөрөө хүргүүлж байна.

1. Хүний хөгжлийг дэмжигч дүүрэг
2. Хөдөлмөр эрхлэгчдийг дэмжигч дүүрэг
3. Жишиг дүүрэг
4. Нээлттэй цахим дүүрэг
5. ЭКО дүүрэг гэсэн 5 зорилтыг 2020-2024 оны мөрийн хөтөлбөрт тусгалаа. Энэхүү мөрийн хөтөлбөр 5 бүлэг, 69 заалттай.


НЭГ. ХҮНИЙ ХӨГЖЛИЙГ ДЭМЖИГЧ ДҮҮРЭГ

1.1 Боловсролтой иргэн

1. Орчин үеийн технологийн дэвшлийг ашиглан сургууль, цэцэрлэгийн хүүхдүүдэд Монгол ахуйтай танилцах нөхцлөөр хангана.
2. Төгсөх ангийн сурагчдад мэргэжлийн чиг баримжаа олгох сургалт, үйл ажиллагааг зохион байгуулна.
3. Ерөнхий боловсролын сургууль, цэцэрлэгүүдийн гадна талбай, спорт заалыг хүүхдэд ээлтэй аюулгүй байдлаар тохижуулж орчин үеийн стандарт шаардлагад нийцүүлнэ.
4. Жил бүр дүүргийн ЕБС-ийн төгсөгчдөөс элсэлтийн ерөнхий шалгалтандаа 700-аас дээш оноо авч их дээд сургуульд элсэн орсон амьжиргааны баталгаажих түвшингээс доогуур орлоготой зорилтод бүлгийн шилдэг сурагчдыг дэмжих бодлого барьж ажиллана.
5. Сургуулийн өмнөх насны хүүхдүүдийг цэцэрлэгт бүрэн хамруулах асуудлыг шийдвэрлэх бодлогыг хэрэгжүүлнэ.
6. Дүүргийн нийтийн номын сан барьж сургууль, цэцэрлэг, эмнэлгийн дуусаагүй барилгуудыг ашиглалтад оруулж шаардлагатай хороодод шинээр байгуулах бодлогыг дэмжинэ.
7. Байгууллагын дэргэдэх цэцэрлэг байгуулах санаачлагыг дэмжиж, мэргэжлийн байгууллагуудын зөвлөн туслах баг ажиллуулна.
8. Олон улсын хот, дүүргүүдтэй Хамтын ажиллагааны гэрээ байгуулж төрийн албан хаагч, багш, эмч, сувилагчдын мэдлэг туршлагыг солилцуулах, чадавхийг нь дээшлүүлж, төрийн үйлчилгээний чанах хүртээмжийг сайжруулна.

1.2 Эрүүл иргэн

1. Дүүргийн нэгдсэн эмнэлгийг шинээр барьж, орчин үеийн шаардлагад нийцсэн тоног төхөөрөмж, техник хэрэгслээр ханган, оношилгоо, эмчилгээний хүчин чадлыг нь нэмэгдүүлэх, эмч, эмнэлгийн ажилтнуудын ажиллах орчинг сайжруулах ажлыг үе шаттайгаар хэрэгжүүлнэ.
2. Өрхийн эмнэлгийн статусыг тодорхой болгуулж, санхүүжилтыг оновчтой хэлбэрээр шийдвэрлэн, эрүүл мэндийн үйлчилгээний чанар хүртээмжийг сайжруулна.
3. Ахмад настан, хөгжлийн бэрхшээлтэй иргэд болон өсвөр насны хүүхдийн эрүүл мэндийг хамгаалах, сайжруулах тусгай хөтөлбөр хэрэгжүүлнэ.
4. Иргэдийг халдварт болон халдварт бус өвчнөөс урьдчилан сэргийлэх, эрүүл мэндийг хянах тогтолцоог боловсронгуй болгож, тусламж үйлчилгээний чанар хүртээмжийг сайжруулна.
5. Иргэдийн эрүүл-мэндийг хамгаалах, чийрэгжүүлэх, тусгай хөтөлбөр хэрэгжүүлнэ.


УХА0612 9077278

6. Дүүргийн иргэдийн бялдаржуулах клуб болон фитнес төвүүдээр үйлчлүүлэх нөхцлийг хөнгөвчлөх чиглэлээр Нийгмийн даатгалын ерөнхий газар болон бусад холбогдох байгууллагуудтай хамтран судалгаа хийж, шийдвэрлүүлэн хэрэгжүүлж ажиллана.
7. Хүүхдийг осол гэмтлийн эрсдлээс урьдчилан сэргийлэх ажлыг үе шаттайгаар зохион байгуулна.
8. Иргэдийн эрүүл мэндийн боловсролыг дээшлүүлэх, сургалт сурталчилгааг зохион байгуулна.

1.3 Нийгмийн баталгаат иргэн

1. Орон сууц, гэр хорооллын дундах хүүхдийн тоглоомын талбайг олон улсын стандартад нийцүүлэн шаардлагатай газруудад шинээр байгуулна.
2. Хүүхдийг зам тээврийн ослоос урьдчилан сэргийлэх зорилгоор хүүхэд олноор зорчих хэсэгт гарц, гэрлэн дохио, хурд сааруулагч, камертай болгоно.
3. Тусгай хэрэгцээ /Хөгжлийн бэрхшээлтэй/-тэй иргэдэд хэрэгцээт үйлчилгээ авах нөхцлийг бүрдүүлсэн тусгай хэрэгцээт хүүхдийн төв байгуулна.
4. Байнгын асаргаа шаардлагатай тусгай хэрэгцээ /Хөгжлийн бэрхшээлтэй/-тэй иргэд, ахмадуудад зориулсан сувиллын үйлчилгээг сайжруулна.
5. Хороо бүрд ахмадын төв байгуулна.
6. Гэр бүлийн хүчирхийлэл, архидалт болон хэрэг зөрчилд холбогдогсдын судалгааг гаргаж, тухайн бүлгүүдэд чиглэсэн сургалт, соён гэгээрүүлэх үйл ажиллагааг зохион байгуулна.
7. Нийтийн эзэмшлийн зам талбай, автобусны буудал, зогсоолуудад халдваргүйжүүлэлтийг тогтмол хийдэг болно.
8. Нийтийн эзэмшлийн ногоон байгууламж, цэцэрлэгжүүлэлтийн хэмжээг хоёр дахин нэмэгдүүлж цэцэрлэгт хүрээлэн байгуулна.
9. Гэр хорооллын айл өрх хашаандаа ногоон байгууламж бүхий бичил цэцэрлэг байгуулах санаачилгыг бүх талаар дэмжинэ.
10. ААНБайгууллагуудын орц, гарцыг хөгжлийн бэрхшээлтэй иргэд орж гарах боломжтой болгох

ХОЁР. ХӨДӨЛМӨР ЭРХЛЭЛТИЙГ ДЭМЖИГЧ ДҮҮРЭГ

2.1 Иргэний хөдөлмөр эрхлэх санаачлагыг дэмжинэ

1. Өрх тутмын хөдөлмөрийн насны иргэдийг ажлын байртай болгох бодлого хэрэгжүүлж, тогтвортой орлогыг нэмэгдүүлэх ажлыг эрчимжүүлнэ.
2. Хөдөлмөрийн чадвартай, амьжиргааны баталгаажих түвшингээс доогуур орлоготой иргэдийг мэргэжлийн сургалтанд хамруулахад анхаарал хандуулан ажиллана.
3. Төрийн бус байгууллага, аж ахуйн нэгжүүдтэй хамтран оюутан, залуучуудыг хөдөлмөрийн биржтэй холбон "Орлоготой залуу" хөтөлбөрийг хэрэгжүүлнэ.
4. Жижиг дунд бизнес эрхлэгчдийн үйл ажиллагааг дэмжих зорилгоор бичил бизнесийн төсөл хөтөлбөрийг хэрэгжүүлж, бараа бүтээгдэхүүнийг борлуулах сувгийг бий болгоно.
5. Хөгжлийн бэрхшээлтэй иргэдийн хөдөлмөр эрхлэлтийг нэмэгдүүлэх, зээл тусламжинд хамруулах ажлыг зохион байгуулна.
6. Ахмад настнуудын мэдлэг туршлагаа түгээх зөвлөх үйлчилгээний төвүүдийг ажиллуулна.

2.2 Өрхийн орлогыг дэмжинэ

1. Иргэдэд хашааны газрыг өмчлүүлэх ажлыг үе шаттайгаар хэрэгжүүлнэ.
2. Өрх толгойлсон эмэгтэй, эрэгтэйчүүдийг өрхийн орлогыг нь нэмэгдүүлэхэд чиглэгдсэн үйл ажиллагааг хэрэгжүүлнэ.
3. Иргэдийн газар тариалан, жимс жимсгэнэ, хүнсний ногоо тариалах, өрхийн үйлдвэрлэл эрхлэлтийг дэмжин мэргэжил арга зүйгээр хангаж сайн туршлагыг түгээн дэлгэрүүлнэ.
4. Мэдээллийн технологи, оюуны хөдөлмөр, цахим үйлчилгээ, сургалт, аутсорсингийн үйлчилгээг дэмжиж, зайнаас ажиллах ажлын байрыг дэмжинэ.



ГУРАВ. ЖИШИГ ДҮҮРЭГ

3.1. Аюулгүй орчин бүрдүүлнэ

1. Агаарын чанарын бүсэд байгаа, айл өрх, ААН байгууллагуудыг сайжруулсан түлшээр бүрэн хангах, түлш нөөцлөх, түгээх, борлуулах цэгүүдийг өргөтгөн иргэдэд хүртээмжтэй сүлжээг бүрдүүлнэ.
2. Төвлөрсөн дулаанд холбогдох боломжгүй гэр хорооллын айл өрх, ААН байгууллагыг хийн болон төвлөрсөн дулаан хангамжид холбох, цахилгаан халаагуураар халаах техникийн боломжийг бүрдүүлнэ.
3. Гэр хорооллын гудамж, зам талбай, гэмт хэрэг зөрчил ихээр үйлдэгдэж болзошгүй газрын гэрэлтүүлэг, камержуулалтыг нэмэгдүүлнэ.
4. Орон сууцны болон гэр хороолол, аж ахуй нэгжийн хаягжилтыг нэгдсэн стандартанд оруулах бодлого хэрэгжүүлнэ.
5. Хуучны угсармал байрнуудын дулаан алдалтыг багасгах, "Дулаан байр" хөтөлбөрийг хэрэгжүүлнэ.
6. Хороолол, гудамж хаасан орц, гарцыг нээж иргэдийн аюулгүй, чөлөөтэй зорчих орчныг бүрдүүлнэ.

3.2 Иргэдийн амьдралд таатай тохилог орчин бүрдүүлнэ

- 1 Дүүргийн хэмжээнд "Жишиг хороо" гэр хороололд "Жишиг гудамж", орон сууцны хороололд "Жишиг орц" хөтөлбөрийг хэрэгжүүлнэ.
- 2 Ахмад настан, залуус, хүүхдэд зориулсан чөлөөт цагаа өнгөрүүлэх цэцэрлэгт хүрээлэн бий болгох ажлыг эхлүүлнэ.
- 3 Сэлбэ голын эрэг дагуу амралт чөлөөт цаг өнгөрөөх байгууламж барихыг дэмжинэ.
- 4 Дүүргийн "Хандгайт" ахмадын амралтын үйл ажиллагааг жигдрүүлж, ахмадуудыг өргөн хүрээтэй амрах нөхцлийг бүрдүүлнэ.
- 5 1970-аад оноос өмнө баригдсан угсармал орон сууцны дулаан эрчим хүчний алдагдлыг бууруулах зорилгоор орон сууцны дулаалга хийж, нийтийн эзэмшлийн зам талбайн ус зайлуулах шугам хоолойн ашиглалтыг сайжруулах зорилтыг дэмжинэ
- 6 Орон сууцны цахилгаан шат, дээврийг шинэчлэн засварлах, гадна дулаалга, фасадын ажлыг 1-10 дугаар хороодуудад үе шаттай зохион байгуулна.
- 7 Орон сууцны хороолол дундах автомашины зогсоолыг шинэчлэн сайжруулж, орчин үеийн шийдэл бүхий ил болон олон давхар авто зогсоолыг нэмэгдүүлнэ.

3.3 Иргэнд ээлтэй, хүртээмжтэй дэд бүтцийг байгуулна

- 1 Хямралын улмаас зогссон үйлдвэрлэл, үйлчилгээг сэргээж, ажлын байр бий болгоход хувийн хэвшилтэй нягт хамтран ажиллана.
- 2 Дүүргийн гадаад харилцааг өргөжүүлж дэд бүтэц, ногоон байгууламж, хот төлөвлөлтийг сайжруулан, хамтын ажиллагааг эрчимжүүлнэ.
- 3 Хороодын нутаг дэвсгэрт үерийн усны далан барьж, бороо болон хөрсний ус зайлуулах инженерийн шугам сүлжээний ажлыг шинээр байгуулах ажлыг дэмжинэ.
- 4 Гэр хорооллын усан хангамжийг сайжруулна.
- 5 Төвийн хороодын хороолол дундах авто замыг иж бүрэн шинэчилж, гэр хорооллын гудамж талбайн дундах авто замыг сайжруулна.
- 6 Зуслангийн газар өмчлөлийн бодлогыг эрчимжүүлж, иргэдэд газар өмчлөх, эзэмших эрхээ эдлэх боломжийг өргөжүүлнэ.
- 7 Автобусны буудлуудын байршлыг зорчигчийн хэрэгцээнд тулгуурлан зохистой байршилд тохижуулна.

ДӨРӨВ. ИЛ ТОД ЦАХИМ ДҮҮРЭГ

1. Төрийн албан хаагчдын ур чадвар, хариуцлагыг дээшлүүлж "Иргэн төвтэй үйлчилгээ" хөтөлбөрийг хэрэгжүүлж иргэдийн өргөдөл гомдол хүсэлтийг шуурхай шийдвэрлэх нөхцлийг бүрдүүлнэ.



2. Нутгийн удирдлагын болон захиргааны байгууллагуудын хамтын ажиллагааг бэжжүүлж, уялдаа холбоог сайжруулна.
3. Хороо хөгжүүлэх сангийн хөрөнгийг ил тод болгож, иргэдэд нээлттэй, хүртээмжтэй болгоно.
4. Дүүргийн засаг захиргааны албан хаагчдын ажилтан албан хаагчдын ажлыг дүгнэхдээ иргэдийн гомдол санал хүсэлттэй уялдуулдаг тогтолцоог нэвтрүүлнэ.
5. Хороодын ажлыг иргэдийн саналаар дүгнэдэг тогтолцоонд шилжүүлнэ.
6. Захын болон зуслангийн бүсийн хороодод шилэн кабелийн сүлжээг өргөтгөж, өндөр хурдны интернэтэд холбогдох боломжийг бүрдүүлнэ.

ТАВ. ЭКО ДҮҮРЭГ

1. Сэлбэ голын эх, ай савыг орон нутгийн тусгай хамгаалалтанд авч, урсацыг нэмэгдүүлэх, даланг засварлах ажлыг үргэлжлүүлэн, иргэдийн ая тухтай амьдрах орчинг бүрдүүлнэ.
2. Хог хаягдлыг ангилан ялгаж хэвшүүлэх, тээвэрлэх, ангилах, худалдан авах менежментийг сайжруулах бодлогыг дэмжинэ.
3. "Утаагүй Улаанбаатар" хөтөлбөрийг дэмжин иргэдийн оролцоог нэмэгдүүлнэ.
4. "Сэлбэ дэд төв" төслийн хүрээнд гэр хорооллын өрхүүдийн дунд бохирын нэгдсэн инженерийн байгууламж байгуулах, дэвшилтэт технологи нэвтрүүлэх замаар хөрсний бохирдлыг багасгана.
5. Гэр хороолол, зуслангийн бүсийн гол замуудын нөхцлийг сайжруулж, тоосжилтыг бууруулна.
6. Дүүргийн нутаг дэвсгэр дэх рашаан, булгуудын эхийг хамгаалалтыг сайжруулж, тохижуулна.
7. Иргэд оршин суугаа байр, хотхон гудамжиндаа тохижилт хийх санаачилгыг дэмжиж, агаар хөрсний бохирдлыг бууруулах зорилгоор мод, бут, сөөг тариалах ажлыг санаачлан хийж, нөхөрлөлийн хэлбэрийг дэмжинэ.





ҮНДЭСНИЙ АУДИТЫН ГАЗАР
НИЙСЛЭЛ ДЭХ
ТӨРИЙН АУДИТЫН ГАЗАР

14200 Улаанбаатар хот, Сүхбаатар дүүрэг, 8 дугаар хороо,
Г.Амарын гудамж, Соёлын төв өргөө, Г корпус, 5 давхар,
Утас: 7000 7734, Факс: (976-11) 32 01 54,
И мэйл: ub@audit.gov.mn, Вебсайт: www.audit.mn

2023.04.18 № 883

танай _____-ны № _____-т

**Хандивын тайлангийн дүгнэлт
хүргүүлэх тухай**

Хандивын тайлангийн дүгнэлт

Сүхбаатар дүүргийн иргэдийн Төлөөлөгчдийн Хурлын ээлжит бус нөхөн сонгуульд оролцох Сүхбаатар дүүргийн Монгол Ардын намын хорооноос ирүүлсэн хандивын тайланг Төрийн аудитын тухай хуулиар тодорхойлсон төрийн аудитын байгууллагын бүрэн эрхийн хүрээнд хянан баталгаажуулж, дүгнэлт гаргалаа.

Үүрэг хариуцлагын талаарх мэдээлэл

Сүхбаатар дүүргийн иргэдийн Төлөөлөгчдийн Хурлын ээлжит бус нөхөн сонгуульд оролцох нам нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 25 дугаар зүйлийн 25.3.6, 25.4.6-д заасны дагуу иргэн, хуулийн этгээдээс өгсөн хандивын тайлангаа мөн хуулийн 37 дугаар зүйлийн 37.7-д заасны дагуу Төрийн аудитын орон нутаг дахь салбар байгууллагад хүргүүлж, дүгнэлт гаргуулах үүргийг хүлээнэ.

Хандивыг Нягтлан бодох бүртгэлийн олон улсын стандарт, Нягтлан бодох бүртгэлийн тухай хуулийн 5 дугаар зүйлийн 5.1.4, мөн хуулийн 16 дугаар зүйл, Сангийн сайдын 2017 оны 386 дугаар тушаалаар батлагдсан санхүүгийн тайлангийн маягт, зааврын дагуу бэлтгэсэн санхүүгийн тайландаа тусгах үүргийг улс төрийн нам хүлээнэ.

Нийслэл дэх Төрийн аудитын газар нь Төрийн аудитын тухай хууль болон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуульд заасны дагуу сонгуульд оролцох улс төрийн нам, эвсэлд иргэн, хуулийн этгээдээс өгсөн хандивын тайланг хянан баталгаажуулж, дүгнэлт гаргана.

Намаас дүгнэлт гаргуулахаар ирүүлсэн хандивын тайланд тусгагдаагүй хандивыг хянан баталгаажуулахгүй бөгөөд түүнээс үүсэх үр дагавар, хариуцлагыг Төрийн аудитын орон нутаг дахь салбар байгууллага хүлээхгүй болно.

Дүгнэлтийн үндэслэл

Нийслэл дэх Төрийн аудитын газар нь Сүхбаатар дүүргийн иргэдийн Төлөөлөгчдийн Хурлын ээлжит бус нөхөн сонгуульд оролцох Сүхбаатар дүүргийн Монгол Ардын намын хороонд иргэн, хуулийн этгээдээс өгсөн хандивын тайланг Аудитын дээд байгууллагуудын Олон улсын стандарт-4000, Монгол Улсын Ерөнхий аудиторын 2020 оны А/47 тоот тушаалаар батлагдсан зааврыг баримтлан Улс төрийн намын тухай хуулийн 18 дугаар зүйлтэй нийцэж буй эсэхийг дэмжих нотлох баримт, дүн дүгнэлтийн үндсэн дээр хянан баталгаажуулж, дүгнэлт гаргасан болно.

Дүгнэлт

Сүхбаатар дүүргийн Монгол Ардын намын хороо ээлжит бус нөхөн сонгуулийн жилийн өмнөх тайлант жилийн 01 дүгээр сарын 01-ний өдрөөс 12 дүгээр сарын 31-ний өдрийг хүртэл хугацаанд хандив хүлээн аваагүй, хандивын орлого бүртгэж тайлагнаагүй байна.

Сүхбаатар дүүргийн Монгол Ардын намын хорооноос ирүүлсэн хандивын тайланг хавсралтаар хүргүүлэв.

Хувийг: Нийслэл, Сүхбаатар дүүргийн Сонгуулийн хороонд

Хавсралт: *Q* хуудастай

ДАРГА, ТЭРГҮҮЛЭХ
АУДИТОР



М.ЭРДЭНЭЖАРГАЛ

Нам эвслээс ирүүлсэн хандивын тайланг хянан баталгаажуулж,
дүгнэлт гаргах хавсралт Маягт 1

Сүхбаатар дүүргийн иргэдийн Төлөөлөгчдийн Хурлын 2023 оны нөхөн сонгуульд оролцох нам эвсэлд
“ИРГЭН”-ээс өгсөн хандивын тайлангийн маягт

Монгол Ардын Нам

Д/Д	Иргэний Овог нэр	Хандив өгсөн иргэний мэдээлэл				Хандив өгсөн огноо	Хандивын мөнгөн дүн	Хандив хүлээн авсан		Тайлбар
		Регистрийн дугаар	Нас	Оршин суугаа хаяг	Утасны дугаар			Банкны нэр	Дансны дугаар	
Ээлжит бус нөхөн болон дахин сонгуульд тухайн сонгуулийн жилийн өмнөх тайлант жилийн 01 дүгээр сарын 01-ээс 12 дугаар сарын 31-ний өдрөөр тасалбар болгосон										
1	-	-	-	-	-	-	0	-	-	Хандивгүй

ХЯНАСАН: ДАРГА

Н.УЧРАЛ



2023.04.10

Нам эвслээс ирүүлсэн хандивын тайланг хянан баталгаажуулж,
дүгнэлт гаргах хавсралт Маягт 2

Сүхбаатар дүүргийн иргэдийн Төлөөлөгчдийн Хурлын 2023 оны нөхөн сонгуульд оролцох нам эвсэлд
“ХУУЛИЙН ЭТГЭЭД”-ээс өгсөн хандивын тайлангийн маягт

Монгол Ардын Нам

д/д	Хуулийн этгээдийн нэр	Хандив өгсөн хуулийн этгээдийн мэдээлэл					Хандив хүлээн авсан			Мөнгөн дүн	Тайлбар
		Регистр	Хаяг, утасны дугаар	Үүсгэн байгуулагдсан огноо	Үйл ажиллагааны чиглэл	Хуулийн этгээдийн хэлбэр	Огноо	Банкы нэр	Дансны дугаар		
Ээлжит бус нөхөн болон дахин сонгуульд тухайн сонгуулийн жилийн өмнөх тайлант жилийн 01 дүгээр сарын 01-ээс 12 дугаар сарын 31-ний өдрөөр тасалбар болгосон											
1	-	-	-	-	-	-	-	-	-	0	Хандивгүй

ХЯНАСАН: ДАРГА



Н.УЧРАЛ

2023.04.10